



## REGOVANJE TUŽIOCA ISMETA ŠUŠKIĆA: Nisam bio zadužen predmetom Dragana Čovića

Objavljeno: 19.12.2018. u 10:17h

Na Žurnalov tekst o kandidatima za glavnog tužioca Tužilaštva BiH reagovao je jedan od kandidata tužilac Ismet Šuškić



Poštovani,

Na web portalu Žurnal, na internet adresi [www.zurnal.info](http://www.zurnal.info), dana 14.12.2018. godine, u 09:10 h, objavljen je članak o kandidatima za izbor glavnog tužitelja Tužiteljstva BiH.

U članku autora Avde Avdića su navedene neistine, odnosno notorne laži da sam bio postupajući tužitelj u predmetu Čović Dragana. Želim istaći da nikada nisam bio zadužen navedenim predmetom protiv Čović Dragana, što se može jednostavno provjeriti uvidom u upisnike Tužiteljstva BiH.

Predmet Lijanović i dr. sam profesionalno i stručno radio i rezultat toga su izrečene u prvostupanjskom postupku, višegodišnje kazne zatvora i oduzeta višemilionska protivpravna imovinska korist.

Stan u Makarskoj sam kupio legalno zajedno sa svojom suprugom kreditnim sredstvima banke, o čemu posjedujem ugovor o kupovini kao i ugovor od banke o kreditu i te podatke svake godine popunjavam u finansijskom izvještaju i dostavljam VSTV BiH, kada se traže podaci o imovini, za nosioce pravosudnih funkcija.

Zahtjevam da ovaj demant odmah objavite, kao i da reagiranje učinite vidljivim na predmetnom članku na web portalu.

U protivnom, zaštitu od klevete bit ću prinuđen zatražiti putem nadležnog suda.

Ovaj demant također prosljeđujem Vijeću za štampu BiH.

S poštovanjem

Ismet Šuškić

Tužilac Tužiteljstva-Tužilaštva BiH